

Lontar drowe Geria Puniya, Sidemen, Karangasem.

Sane nodunin ; Ida Bagus Gede Geria.

Sane mandungang; Ida Bagus Gede Geria.

KAKAWIN MALAWI, GERIA PUNIYA, SIDEMEN.1.

- 1a 1 Awighnam astu.
2 1. Wanten pajar nikang sastra kagelaran ikang sad-retu yeki warnan,
3 Yeka-tya manggala jarniya yan atut ika ri kala maseng tekaniya,
4 Dur-bhiksang rat juga jarniya sehana ala yan wi-prayoga masaniya,
5 Wastwo-ndah lwirniya waktan krama nika huningan yan tekong sad-retuniya.
6 2. Nda yapwan ring bhasanta ayu winangun ikang wastwa-purwong samangka,
7 Lindhung bhuh swang gelap ghosa gumereh i sedheng sandhya satwa-rjja moni,
8 Hwang wimba Hyang Sasi len lagi makalangan ing bhyoma parwesa suddha,
9 Surya-bang yan wijil mwan surup ira mamangun sobhitang rat kajarniya.
10 3. Hwang yan wanten sekul tela madhu sari phalo-tpati sakong druma kweh,
11 Teh len tang pekxi wredhing swara padha karenga nitya mangde praja-rjja,
12 Nahan tang sobhita manggala yadi ana ring masa Wesaka-citra,
13 Yan ginthal sangkaring mangkana retu kahananiyan maho-tpata kapwa.
2a 1 4. Yan ring Jyeetha Sada ta-jarakena wijiling sarwa mendah subhiksa,
2 Lwirniyar ken durdha mawyang kahala tekap ikang wintang ulka-bhra pata,
3 Dhuma ngunggul katon renu pawana mangasut tan anang bahni matra,
4 We suska bhyoma tulya-rnawa-rudhira sa-padma mirah kala sandhya.
5 5. Sarwa purweng Kasa Karwa muhara ayuning rat nihan lwirniya waktan,
6 Bajra hwa nendu parwesa masahaja tathit wreksa suska semwa-rjja,
7 Lindhung bhumin pasabda-dbhuta calita belah reh nika-ngde karesres,
8 Moghe-kang nimnaga nir hera talaga temahning lemah kirna sobha.
9 6. Lawan pwe-kang plawa ngktan wikarana mudhiking wwe taya wang manunggang,
10 Lila nungeung mareng sula jala gati nika wismayeng wang tuminghal,
11 Kintwo-kang parwata syuh kahala tekap ikang warsa wegeng samangka,
12 Byaktang rat durbala jarniya yadin ika salah masa ring sad-retuniya.
2b 13 7. Warnan yan Karttika mwan sara dhika ngamangun sobhita wastu mendah,
14 Widyadharya-peara mwan wiwuda kawulatan wahya len bhuta rupa,
15 Aniyat lwir puspaka-was ana kadi ya masabda ngrik aha mangun res,
16 Mukye katara katha graha kawulatan ing bhyoma kala-rkka dipta.
17 8. Hwang tekang pustaka srang swara juga karenga ring wana-drya-ti ghurna,
18 Honiyang Sang Srya-rjja makweh rasa jalang i wijilniya pang aneka warna,
19 Len tang wwe wredhhi-wredhhi wetu nika sedhenging masa purwwe-ki nukta,
20 Manggeh pwa jar nika sobhita tara pagawening maya purwa mangka.
21 9. Lwirning mendah muwah tan wurung anemahaken durbalang rat kabehniya,
22 Yan tan ring Posya len Margga-sira masa wijilniya jaren pwe-ki mangko,
23 Yan wanten sita bahniyo-jwala tuwin amahosna panas ring praja-ndha,
24 Satwa mwan pakai wredhhi swara nika karenga nitya kadya pramoda.
25 10. Tekwan tang yaksa bhuta mregha kawulatan ojar jana-wa sphutha ngka,
26 Wuntwang dik bhur bhuwah swah giri wana kaliput denikang dhuma lumra,
3a 1 Wimba Hyang Surya mawas surup ira maruhur yan wijil tan prabhedha,
2 Mangka lwirning maweh sobhita karana tekang kala hemanta nama.

KARAWIN MALAWI. GERIA PUNIYA. SIDEMEN.2.

- 3a 3 11. Kajar yan Wagha len Phalguna ayu pawarahning maye-ndah swabhawa,
4 Niyang runtuhning tusara-nila karena panub tanpa-kala-dbhuta dros,
5 Aniyat tang krura rupan kagiri-giri katon ngka lana-ngde ngresing twas,
6 Bhyona nila temah pinjara tekap ikanang kara len ulka pata.
- 7 12. Tambek-tambehiya yan tang strya-di pasu wregha paksya weka neka warna,
8 Mwang tekang sarwa patra balik i wetu nika-ndah sedhengning samangka,
9 Ngkan sobha jarniya yan kapwa manut i paduming masa retwa pradhana,
10 Na lwirning sad-retu ndah huninganen ika de Sang maha-wijnya santra. o .
- Iti sad-retu para kreta.
- 11 13. Warnan kottamaning tri-bayu warahing sruti cinarita de Maha-muni,
12 Dwara byantara wahya bayu tiki laksana nika ya kayatnaken lana,
3b 13 Kapwa dudwan i kajaraniya matuduh ala ayuning ulah yata krama,
14 Tingkahniye-ki rengen gatiniya saha masa nika siki-siki pwa kawruhi.
- 15 14. Lwirning bayu si wahya rakwa nama nasika-wiwara wijil nika laris,
16 Mas bhoga-di pinanggih ing parani Sang malaku-laku su-laksano-riya,
17 Sing donen pwaya sirna siddha rahajeng suka phala tinomuniya tan wurung,
18 Norang sakti musuh-ta kalah atakut sahananing hari bhakti ring rana.
- 19 15. Maseng Phalguna Bhadra-wada tuwi Margga-sira wijili bayu mangkana,
20 Lyan tang Jyestha dulurniya tan sah ika kengetakena yadi yan linaksanan,
21 Rapwan siddha sakarya sosti ri Sang hutsaha mangiring ing ulahniya tan bocur,
22 Nahan saktini bayu wahya wara yukti tika yan hiniwa lane-namer.
- 23 16. Diwya byantara nasa bayu paramo-utama phala maka sadhaneng ayu,
24 Nityo-tpati rinasa Daksina ri kalani masa nika laksana meren,
25 Yogeng Hyang Parama-bhisaka ri Narendra wangunen i sedheng samangkana,
26 Doniya weh phala satha wredhi suta len hulun irikang ana-erayeng praja.
- 4a 1 17. Wesaka-dinika dulurniya Kasa Karttika sahaja Simagha lek nika,
2 Kapwe-ka tengoten kayatnakena tan pala-paleha ta Sang mapet ayu,
3 Tyakta dyan rika bayu tanduren apan sipi ala nika wisthi durbala,
4 Rehniya-jarkena masa lek wetu nika tinget-hingeta lane-ki was-wason.
- 5 18. Ngka yan bayu pareng mijil gatini laksana nika tengoten sada stiti,
6 Cetra Sada wulaniya len Aeuji Posya-masa wijil ikeng samangkana,
7 Yeka jarniya wi-labda karya bhaya satru tinomu Sang apaksa ring gati,
8 Mitra-sih mara nguni mogha dadi satru golengi hatk rodra kadbhuta.
- 9 19. Mangka dwapara wehniya dur-gati bhaya-naka yan ika pinaksa pakseken,
10 Nghing tan stinen ulahniya singgahana de Sang sharep i kasiddhyaning ayu,
11 Rapwan tan ana wadhake-weh i sedheng-ta lumarisana sajnya Sang Guru,
12 Nahan etu nikang tri-bayu satuduhniya katuturana de Maha-jana. o .

Iti TRI BAYU WIMI PARA KRETA.

- 15 20. Swargge-ndra bhra tidhem ngaditya manis hinteni gupara mapanceka manik,
4b 14 Sang wraspati kaliwan astha-guruning Sura-laya resi dewa kottana,
15 Yama nghrek Sang anut watek pataka tanpa-hingan iwu tinuspek ing kawah,
16 Tan mangga rarem anggeleng munuruh eng Tri-bhuwana nala-rudra kopoma.

KAKAWIN MALAWI, GERIA PUNIYA, SIDEMEN, 3.

- 4b 17 21. Mi Sang Pandhita buddhi sambhrama upeksha sama pituwi kapwa nis-cala,
18 Kslaniyan umeneng manunggalaken ing hidhep hinem anusuk raseng hati,
19 Asomatya umatyani-ndriya sedheng pinata-pateh awak gya ya mesat,
20 Sringing Swargganing atma pindha ya tekeng Siwa-pada suka nemwa nirmala. o .
- 21 22. Dyah tan marya nganemang ing twas awuru kung-ku prapanca malat,
22 Ping asthang-ku madadya tanpa-niru eng ngwang wasa Sang ahajeng,
23 Don-kwa-nut ri manah ri mangresi sama wulu mahaseng hati,
24 Yan kangen kahitung liyan awlas i yaye-bwa pitutur tan kasah.
- 25 23. Nghing tunggal ku pinutra tanpa-ngidhep eng sabda-rjja wakcah hilang,
26 Tan dora pwa sinanghare ngwang yi yaye-bwa ngdoh pejahning hulun,
5a 1 Prapteng byantara sapta matya nawaluy hwing atma mungsir papa,
2 Den-kwa dusthaning ogha ewa rumonga Sang arjja patning sarat. o .

Iti HURIPING DINA-STHA-WARA.

- 3 24. Purnamaning kapat angdaning turida gerehniya umung tan aren,
4 Candra lumeng lwir amadyuti lemosing asoka-liman kumelab,
5 Ping walu moni kuwongniya mangelik anemang twas anabda tuhu,
6 Sang mulih ing tri-dasa-laya kapi-tuturen ngwang i rum rasika.
- 7 25. Ping rwa larapni-kanang kilat angedhap ika waluning gathita,
8 Lot magunem-gunem ing kusuma madhukaraniya tan intar umung,
9 Lwir masipat jaladhang wulan asemu suma dasala wenes alek,
10 Tulya rimang wini-panca dahat smuni suk rarasing salulut.
- 11 26. Tibra niking turida mrati pisaning asucya manah-kwa ngarang,
12 Wetni larang-kwi rimang dasa guna laraning kasahan kawitan,
5b 13 Ping pitu mangdadi nitya makalihan amukti rarasing apum,
14 Hwang Sang asung lara ring twas ekatigan asura lawan jaruman. o .

Iti SASIH ANRETA MASA.

- 15 27. Lwirning masa pasancayan gati nika warnan tekapning hulun,
16 Yapwan ring Kasa mangdani pati ri surya mwanng tekeng potraka,
17 Hasthang dreyya ri Badrawada woka wredhha was Ngasujyang ayu,
18 Ihaniya swa-monah ing capum ri sedhenging candreng kapat yuktiman.
- 19 28. Stri bhakting priya labha yan Kalima Sang yoge nikang kanyaka,
20 Loweri pwaya rehni Sang winarang ing Poeya mirodheng seneng,
21 Sobhagyeng sasi Magha Phalguna jaluniya manda kayeng gati,
22 Yapwan Cetraka ati-duhka hita gantya nadhave-ki nucap.
- 23 29. Ring Jyestha ngdani wredhning gunani Sang swanya tengen ring ayu,
24 Mandang buddhi sasolahing wang angajeng sih ring Asujya pupul,
25 na tang prakrota satrika pwaya tinut rehniya temah lambhanga,
26 Byakte-kan tumemung phala nupama Sang masrih swa-karma dhika. o .

Iti PARA KRETANING WIDHI MASA PAWARANGAN.

- 6a 1 30. Kramaning amarang anghing sukla-pakse-ka urtta,
 2 Suka di pisan ikang rwa nemwaken sing kateniya,
 3 Yan i tiga ri tumanggal putra makweh pwa doniya,
 4 Pati kapuhara ring pat tanggal angde swa-soka.
- 5 31. Hitaja kadadi ring tanggal lima tyanta sobha,
 6 Ring enem anemu duhkang wang satemwing samangtan,
 7 Subhaga phala nikeng rat yan pitu pwa prihen-ta,
 8 Kacarita mahaleng liyan yan waluniyeng tumanggal.
- 9 32. Weki mala lara makweh yan sanga lap ya temwa,
 10 Suka subhaga euta kweh ring dasanya-ti diwya,
 11 Kanipunan ikanang don ngeka-dasya dhikeng rat,
 12 Rwa-welas ika papanggih Sang rwa durbhaga-sa nitya,.
- 13 33. Hita nipuna warahniyong tri-dasanya patemwa,
 14 Ri caduka-dasa nitya wera dadyan wiyoga,
 15 Lima-dasi nati kasthan sanggata kweh alaniya,
 16 Karana niki taman hopi tekapni Sang amrih.
- 17 34. Muwah atiki lingen tang wang marang kala kresna,
 18 Satata lara kapengguh tibra manggong swa-soka,
 19 Tumalar i sahananing potra swa-wandu diniya,
 6b 20 Padha pinenuhan ing roga-mbal ing mretyu rakwa. o .

Iti WIWAHA BIDDHI PARA KRETA.

- 21 35. Wanten pajaring agame-ki pinara-kreta papupuling ogha len puman,
 22 Sangyoganiya ri sapta-wara yata kengetakena sa-tuduhniya kawruhi,
 23 Yapsan bhanu wiwaha lot tinilaring suka tang akuren ing samangkana,
 24 Yan soma nupameng suka mwanng iki dhaniya dhana ana rika ndatan surud.
- 25 36. Ndan yan manggala wara dhampati nikang rwa tukaran ati-wighna wah tangis,
 26 Gengning modita sunu wredhhi phalaning budha pawaranganing wang ing praja,
 27 Mwanng yan wakpati bhakti ring jalu wininiya suka kadadi deniya tan wurung,
 28 Sukra was weki bhukti labha maka etu sahana suka kajaring aji.
- 29 37. Anghing aywa tikang jana murugi sori pawarangana katha tan sipi,
 30 Kajar tan kasahan wirodha Sang adhaspati wokasan ika temah ala,
 31 Yadyan sang-kapisan tatan pupurugen ala kateka ri putra potroka,
 32 Mwanng rogi satata miweh gliis ikanang pati tekap ira warah Maha-muni.
- 7a 1 38. Lyan garbho dayaning wang ing tri-parimana caritakona de maha-jana,
 2 Lwirnian sad pitu panca kawruhi huripniya katiga sedheng ing pasancayan,
 3 Sampuniyan pinupul pamindhani-kanang wara katiga mangoka jiwita,
 4 Suddhan so-dasa harya sesa pari-mana wara ika kaboh pwa was-wasen.
- 5 39. Wang tekwe-ka sama prawretti ala len ayu katemu tewek nika kuren,
 6 Byaktan durbala tang rwa yan rwa papupulniya yadi tiga pasanggata pasah,
 7 Pat sangkyaniya waluy-waluy patining atmaja kapuhara ring samangkana,
 8 Purnang drewya yadin limang matemu nem marana tumoka ring sadhampati.

KAKAWIN MALAWI, GERIA PUNIYA, SIDEMEN.5.

- 7a 9 40. Honiyang sapta pasancayaniya suka dukha kapuhara ya nitya tar leceh,
10 Asthang sanggata dirgha roga kurawan raping husungan atunggwa woh pati,
11 Loha-ghasa ring asma nama nawa yoga ri pati maka sadhana sara,
12 Tan mangkang dasa sangga diwya karatun phala niki pawarah Hyang Agama.
13 41. Wang temwo-ka-dase-kihen nipuna doniya widhana ya dina wlas anglaro,
7b 14 Gengsing labha nikang swa-wretti juga bhuktining atemu tiga-wlas ing gati,
15 Nir bhayang temu pad-welas dahat ikang ala papupuli panca-sa ngdani,
16 Astheng so-dasa sangkyaning pawilangan taya pawarah ikang ala ayu. o .

Iti WIDDHI PAWARANGAN PINARA-KRETA.

- 17 42. Lwirning panca-wara prayoga ri wiwahang karya lot kawruhi,
18 Kaliwan wara Purwa Dakcina dulurniya was ajengniya stiti,
19 Prayascita gegen kaliwan adular pwan wagya yeng sobhita,
20 Purwa lawan i Pascima-Ttara riya mwanng kala munggweng tengah.
21 43. Singgih kala su-pidhano-ka pangaraniyang sanggating mangkana,
22 Tapwan arjja temah nikang wara lawan kaniya gringan nityasa,
23 Sampun mangkana tandwa sighra mapasah yan stitya was matya ya,
24 Mahan rakwa alaniya tang wang angapit kala-ti dukha ngasut. o .
25 44. Ananing graha sangkyasanga delon, Pitu tang wetuning sahana jana,
26 Budha soma si rau kapipitan, Walu ta grahake twin apit ika.

Iti PAWARANGAN PANCA-WARA.

- 27 45. Ndah wenten teki waksan lokasa Sang aharep sobhiteng gamya-gamyas,
8a 1 Tisthyeng sukla-kyas peksan pawarah ika rengen yuktya sobhaniya waswas,
2 Ring prakpadha-di lon panca-dasi tingot-hinget reh nikan aywa gingsir,
3 Doniyang sidhe-kanang sadhya yadi ayu nika gegwanon de maha-tma.
4 46. Salwirning karya labda ayu phala nika yan kalap eng pat tumanggal,
5 Yapwan sukleng kaping-rwa nemu suka sabhayang hopa ring pin-tiganiya,
6 Dukha was lon suka-geng temah ika musire-king caturtha prasasta,
7 Moghan wah ring hita yan lima tujuni tithiniya nayatra-ti sobha.
8 47. Nis-karye sad tithi wighna katemu pitu bhoga mahing wang phalaniya,
9 Seh wyadi ngkana ring asthani pati tineman-teng alap nawa yatran,
10 Akweh tang wang maweh bhoga su-rasa phala sek yan dasanye-ki hopta,
11 Syaktan pwanng dana wah yan sawelas amurug eng dwa-dasat lot making-king.
12 48. Nda yapwan mungsire-kang traya-dasa subhagebg don jana sih ya deniya,
13 Atyanteng nis-phala nir-dhana ri cadu daseng panca-dasya-ti kaatha,
14 Ndah mangka jar nikang sastra jinawa-jawaken lwirniya munggwing pralambang,
15 Doniyang pangdipanang rata musiri ayu twin yan umesthi rikang prang. o .

Iti WIDDHI PARA KRETA, apangger tithi-sukla, subha-subha yatrartha.

KAKAWIN MALAWI, GERIA PRUNIYA, SIDEMEN.6.

- 8b 16 49. Ana ta muwah linging sruti dinarsanakeni-ka denirang Muni-wara,
17 Mapakena aywaning gati kabeh tekang samara-karya yogya rogepen,
18 Ing atithi sukla-paksa tinujuniya-neka paraning pradesa parana,
19 Winarahaken kramaniya kalawan prayoga paranan-ta ye-ninget-hinget.
20 50. Prathasa nikang tithi sanga lima tri dasya ayu Purwa desa dunungen,
21 Ihana phalaning samangkana catur dwi sad sanga su-siddha sadhya Ngangidul,
22 Pitu tiga sawlas arjja kalawan lime-wlas ati-labha Kulwan usiren,
23 Cadu-dasa maatha len dwi-welas Uttara parana sarwa sesthi tinemu. o .

Iti TITHI SUKLA YATRARATHA PARA KRITA.

- 9a 1 51. Niyang durgga-sana tojaren gati nikang loka-stha-desa stiti,
2 Doniyan wruh-wruhaning nara ngulahaken sat-karya len yuddhaga,
3 Songgwa-niyeng dwidha paksa singgahi lewes dur-grahya yan langghyanan,
4 Byakte-ka ngdani dukka nretyu papasen rogi yan unggwe tengen.
5 52. Lwirniyan ring pratipada len nawa aneng prakdesa nitya pagah,
6 Agneyo-ngwa nire tige-ka dasa mangka sta-ca mundhin jenek,
7 Sthireng Daksina ring triyo-dasa ri pancanya tuting laksana,
8 Yapwan dwa-dasa catwa rika ana ring nenret Bhathari stiti.
9 53. Kulwan wasa nireng catur-dasi ri sadhyang ghorini ngka pagah,
10 Bayu stheng pitu ring dwi paksa sedhenging purnan siro-nggwi rika,
11 Lagyeng Uttara ring dwitiya dasami tanggalniya len kresnaka,
12 Hersaniya sana ring tilem mwang ikang asthamya rwa paksa dhika. o .

Iti PARI GNASTHA.

- 13 54. Lwirning kala sudangetra sad wulan hinunggwa nika tingetaken pwa kawruhi,
14 Ndan ring sukla juge-ha rakwa kahananiya taya milu ri paksa kresnika,
9b 15 Aywa ngwang mamurug yadin sa-gawoyan-ta tuwi samara-karya singgahi,
16 Byakta nemwa maha-bhayang jana lumangghyanana ling ira Sang Hyang Agama.
17 55. Ring jyestha pratipada ping rwa ya ring Asada anang eka sapagah,
18 Yapwan ring sasi karwa septami tigeng Asuji catura Karttike-rika,
19 Singgih kala sudhangetra tiksa ngaraning dina manuju ri kala mangkana,
20 Sek tang roga makanta pati temahing wang amuruga ri wastu mangkana.
21 56. Wanten pwa ta dulurniya pajarekenang-kwa subha gati winis sareti,
22 Bhedaniyan ana ring dwi-paksa panujuniya manuti wara-sapta mapagah,
23 Suryo dwa-dasa candrawe-ka-dasi ring dasa kuja tika kala dhangstrika,
24 Manggeh tang sanga sanggating wuda wrehaspati mapisan ing asthami tithi.
25 57. Kawya ngimbangi sukla kresna pitu tenggwa niki yatika kala satmaka,
26 Ngkanong saasthika tapwa sori dumulur kapitu padha naneka sancaya,
27 Ndah sakweh nika kala dhangetra taya Sang wenang amuruga rehniya saktiman,
28 Buat tan siddha sakarya wisthi lara len bhaya katemu si pati mangdulur. o .

Iti KALA DHANGSTRA WIDDHI PARA KRITA.

KAKAWIN MALAWI, GERIA PUNIYA, SIDHĒN.2.

- 10a 1 58. Honiyang durgati etu sapta widha tang graha manemahaken bhaya-dbhuta,
2 Yan ring soma sanescara ta juga tan mahas-abasa ring indra desaka,
3 Mwang ring wakpati aywa ta wang umara para-parana ri Daksine-rika,
4 Mulyang sukra ring arkka wara tan Angulwana kita yan alakwa-lakwana.
- 5 59. Lawan desa ring Uttara pwa tingenget ahasana tekaping wang ing praja,
6 Yan kala-nggara len wudho-ki yata kala marana tinemun-ta tan wurung,
7 Roga kweh pati etu panggihen i Sang mamuruga kekeran dine-rika,
8 Singgih sapta-maha-bhaya kya nikanang dina mahala yan amba-embahen. o .
- 9 60. Iti SAPTA MAHA BHAYA WIDDHI PARA KRETA.
- 9 60. Ana mara pajaring sruti winarna dagdhi-karana pwa kengetakena,
10 Sinahaja ring tithi mwang ika wara-sapta panujuniya kawruhana ya,
11 Bhregu rawi ring dwitiya sedheng eka soma kahananiya mogha mamati,
12 Dasami ring anggara tri saha sasthi wakpati pasancayo-ngguhe-rika.
- 10b 13 61. Wudha sahajeng saniscara sedheng nikang pitu ri kresna tanggal ikahen,
14 Sama mara kajaraniya ana ring dwi paksa ya maweh kasangsaya lana,
15 Fira ta kuneng gonganiya phalaning kriya ayu ri sarwa puji ta hilang,
16 Ksanika dinagdha dhuli katuluy pwa dukkita-ca bhara tang wang amurug.
- 17 62. Iti DAGDHI-KARANA WIDDHI PARA KRETA.
- 17 62. Honiye-kang kala mretyu nggwa nika ya huningan ngkana ring wara-sapta,
18 Sing karyan-ta mwang ing yuddha kawanguna tatan yogya pungpang gatiniya,
19 Lingen-kwa ngkana ring markih i sedheng ikang arkka waca nut tan imba,
20 Somaiyan kala yan ring wuku manahil awoh wigrahe wang pramada.
- 21 63. Singgih kale-kanang manggala ri wuku wayang ye-ringen Sang widagdha,
22 Mangka sinta sane wara wudha yata tuten lot gegen aywa lupta,
23 Lyan tekang tolu mretyu nggwa nika ya mamiranting wrehaspatya tunggu,
24 Sukra-stha pwe-kanang kala ri julung apageh nitya matta-ti rodra.
- 11a 1 64. Ndan langgong munggu ing tumpok i madhasiha kalan jenar tan kagindhal,
2 Nahan tang sapta-waru-ngguh ika ana nikang mretyu manggeng wirodha,
3 Ngkane langghya murang tan kumatutur i sedhengniya hyun smrih suka-geng,
4 Sangsiptan lot hiring aywa pinurung ika de Sang harep siddha sadhya. o .
- Iti KALA MRETYU WIDDHI.
- 5 65. Ndan tingkah nira Sang sumadhya napanan-parana harep anemwaken ayu,
6 Aywa mangpangi kala sanjaya ananiya kahuningana aywa wi-asreti,
7 Soka-nggeng bhaya roga tibra mangesah Sang amurug ika yan tekeng paran,
8 Sing karya ala tan prasiddha tuwi yan pamanguna laga wiasthi durgama.
- 9 66. Pangger tengetaken pwa nangken ing aditya manis atika tanpa-Ngetana,
10 Mwang yan kala nikang raditya paing hintara ma-Ngidula aywa mangkata,
11 Surya pwan ika yan pa-Ngulwana taten wurung anemu suka lawan duka,
12 Wagya-rika nemu mretyu roga mara yan kita mahasi di Kuttara krama.
- 13 67. Nangken masa nikang kaliwani-kanang rawi diwasa kayatnaken temen,
11b 14 Tapwan linggara ring swa-wesma tan Angetan Angidula Mangulwanang laku,
15 Lor towin dunungen-ta aywa juga yan raga-ragana manikretang manah,
16 Tuatha-mbek pari-purna jiwa phala yan kita mangiringi kala sanjaya. o .

Iti KALA SANJAYA.

KAKAWIN MALAWI, GERIA PUNIYA, SIDEMEN.8.

- 11b 17 68. Wanten pwe-ki muwah kayahakena tang kala-ntaka jar nika,
18 Tan yogya-abahaning wang apara-paran mangdon mangalya sana,
19 Rehniya-nut dasa senger ing pangalihan deniya pratistha matih,
20 Somahning wara panca bhumi nika nitye-nget papundhut nika.
- 21 69. Ndan purwwa-di makanta madhya sama deniya bhumi tan bheda ya,
22 Sasthi sat ri wilang nikang dina hinganiyo-nggwing pradesa krama,
23 Pratyekaniya muwah tenga teme-temen de Sang sumadhyeng ayu,
24 Rapwan tan kataman bhaye-weh anemu praya-di kartto-ttama.
- 25 70. Stityeng Purwwa sedheng nikang pangalihan baryan manis tan kasah,
26 Mungwing daksina desa kalaning apundhut ring paing kawruhi,
27 Yan ring pwan mangalih aneng Baruna tang kala-ntaka nut tata,
- 12a 1 Yapwan kala wago papundhutan ikang kala stityeng Uttara.
- 2 71. Madho-nggwaniya sedheng kaliwan angalih nitya pagoh tan cala,
3 Yeking stha saha laksananiya yana bhumi dik wara pancaka,
4 Kajar donira Sang watek ganita sastra-jnya ti diwyo-ttama,
5 Na marmaniya tuten tenget sa-kahananiyo-ngguh kayatnakena. o .

Iti KALA-NTAKA STHANA.

- 6 72. Ndan Sang Pandhita siddha sastra ganita minget-hinget i lekacning olahe,
7 Doniya-ngde wruh i tingkahing wariga kala yadi anani desa pancaka,
8 Lwiriye-kang saka kala purwaka sakajar i wekasaning eka ring gati,
9 Pasca darya ri sapta sadana sasasa nika mara tuduhniya was-wason.
- 10 73. Yapwan tunggal i sosa Purwwa pronahing wariga matiki nityasa pagoh,
11 Rwe-kang seci ta Somaka sana nikang wariga ya pawarah Maha-muni,
12 Yapwan trya-ngguh i Pascineng catura Daksina lima warigo-ngguh ing tengah,
- 12b 13 Ndah mangka kramaning manot kahananing prawara wariga kala tan waneh.
- 14 74. Ndah teka mara kalaning kalana bhumi ana ri dasa desa mandhala,
15 Tan yogyan purugen tekap Sang anuku ripu manulara wesma durbala,
16 Yawat wighna magong lane-ka dhumawuh ri sahana-ana langghaneng sira,
17 Tawat tang pati tan wurung katemu yan pala-paleha ri deya mangkana. o .

Iti kramaning KALA WARIGA.

- 18 75. Niyang kala nimna huningan Sang aten subha-rtha,
19 Ring dwa-dase-ndu paduming wara-sapta tonen,
20 Yan sravana-riska dina kala kupeng samangka,
21 Ring kalya-sada wudha rakwa ananiya langgong.
- 22 76. Posya-suji-ki yata sukra luwangniya tan len,
23 Cetra-di karttika ring anggara kala rakwa,
24 Ring phalguna kalima wakpati kala nitya,
25 Wesaka len kapitu kala sanescara ngka.
- 26 77. Jyestha nggwaning kala na soma taman wanehan,
27 Na lwir nikang kala wibhajya ring indra sangkya,
28 Yekan kayatnakena rehniya tutur pwa nitya,
29 Rapwan prasiddha magawe sya yan niwa-rjja. o .

Iti KALA RANDRA.

KAKAWIN MALAWI, GERIA PUNIYA, SIDEMEN.9.

- 13a 1 78. Ana mara kala rudha pangaraniya winuwusakening wang ing praja,
2 Sasi saha corining wuku si sungsang apageh ika kala tan waneh,
3 Mwang i sedheng induning manahil akrama yatika(s-) su-kala mettaka,
4 Kawi dina ring dukut manah ika prasama-sasa rumuddha dharmika.
5 79. Diwasa sedheng samangkana tatan rahayu sa-gaweyan-ta nis-phala,
6 Kretu sahananiya diksa pinako-laha mahala temahniya tanpa-don,
7 Niyata tumeswa dukkita sapudgala wikarana tang upa-drawa,
8 Atisaya durbalang mamurugang diwasa ala samangkano-siren. o .

Iti KALA MANGRUDDHA, sagaweya tan anggon.

- 9 80. Kalabda pajar ikang agama rakwa waksan,
10 Ndan panca sangkya maka mula pura-nta madhya,
11 Niyang tirtha labha saha suniya bhaya-ntya pati,
12 Lek cetra purna tinujuniya limang wara nut.
13 81. Yapwan manis yatika purna ring indra tirtha,
13b 14 Purnang paing Yama dhika mreta nityasa nger,
15 Pwan purnaning kasanga tirtha ri Pascimo-ngguh,
16 Purneng wage madhu ri somaka tirtha sangstha.
17 82. Purneng kaliwan i sedheng nawa mwang wulaniya,
18 Madhyo-ngguhing parama-tirtha tan intare ngka,
19 Yeko-palaksanaken ing lima nguni warttan,
20 Sorya-nute sa-padulur nika aywa gingsir.
21 83. Tang panca-desa katiban lima sangkya purwa,
22 Byaktan manuti warahing ala len ayuniya,
23 Nahan matangniya sira Sang Muni raksakeng rat,
24 Sing tonggwaning bhaya lawan pati lot paharjjan. o .

Iti rehning TALA WARGA.

- 25 84. Sungsang len si madangkungan watugunung Wetan prenahniya teher,
26 Langkir mwang si wukir lawan si manahil Aghne stananiya pageh,
27 Ugwa-nut ri si gumreg arjja mapahang ethananiya-neng Daksina,
28 Heritya dhika desa tambiri julung len tang dukut tan kaseh.
29 85. Landhep mwang kuningan uye-ka tinitah Kulwan pratiste-namer,
30 Ring Wayabya ti tolu len bala julung kresnan panganti rika,
14a 1 Markih mwang warigaddhyan ungguh ika Ler len tang kulawa math,
2 Sthityang sinta matal lawan si dughalan ngka thengsanen kawruhi.

TELAS.

- 3 86. Kadi cataka nangis akung jawuh ing asuji tibra tanpa-don,
4 Waneh angajap jeladha mendhung analahasa ri tranging langit,
5 Dalu tan sipi pupuji ring katuridan anglis saha wingit,
6 Rari matya was ndi wenangana sumirema ri tiksaning rawi.
7 87. Kadi candra Sang siniwi lot manuluhi wengi sobhita langa,
8 Sa-katejan arjja tiki pangkoja padha sumekar minging lengens,
9 Ngararas cucur umuni mandra gerah aneapi ring swa-cittaka,
10 Taman hinararya ring raras bisa nukani sabuddhining para.

KAKAWIN MALAWI, GERIA PUNIYA, SIDEMEN.10.

- 14a 11 88. Wruh ing harsa sawwi widhi wijnya sira sagati niti ring ulah,
12 Bala siksa maryada su-dharmika sa-wuwus ira manis dahat,
13 Agawe saharsa tiki Sang wruh anginaki sabhretya sowakta,
14 Lawan ati-cadhu gunawan masih ing alara hina dukkita. o .
- 14b 15 89. Kadi sira Sang maha-brata tapa tisaya pratama tekoning aji guhya tinega
16 rasaning pati,
17 Tinata saji wita kramaning atma mesat lewasa anomuha licin saduga moksa-
18 pade-ki nusir. o . WALUH RUMABAT ING KELIR.
- 19 90. Kadi harsaning sari akingsingan ing asuji amalar hudan,
20 Awan arengihning amalar turunaning hima ring taru maling,
21 Panangis nikung tadhasasih amala-malar i tibaning hudan,
22 Puji tan panamata sinewita ring alara angajap tawang. o .

PURUSA NGARANG.

- 23 91. Taki-taki nikang ambek lilaning wawarengaha,
24 Mulata umenong an ton polahning sakala jana,
25 Ring ahala tan apistha tan harsa ta ring ahayu,
26 Tan aduloga ring ajrem ring ranya tan aluluta.
- 27 92. Wisaya padhesana ngwang raga dwesa hilangaken,
28 Kuhaka mada mana mwang moha lobha radinana,
29 Cepala kuthila hingsa ninda tan gaweyakena,
30 Apan ika pasurungning mahyun ring pada saphala.
- 15a 1 93. Kuneng ikan ulahan prih peten tang manah alilang,
2 Taya turida katresnan sweca nora katilinga,
3 Hidhep alaris asimpen tan ranca ring angen-angen,
4 Benerakena pejahan tan wehen minger-mingera. o .
- 5 94. Malawi pakon Muni-swara ri Sang Wiku wirati jugo-ka wetwana,
6 Abenera tan salah parananing hidhep atetega aywa rancaka,
7 Tuhagana ring samadhi pamasah dasa-mala yatika datakena,
8 Bahina kulem tang ambek hineben kurangana tikanang pangan tura.
- 9 95. Mi huwus ikan manut mari kawesa kita tekap ikang lapa harip,
10 Laca-lacanon sramakena tikang pati kawasa nika drawakena,
11 Palih ikang awan padha ya waspadakena phalaning tata bhyasa,
12 Parona dunung delaha yadiyan teka si pati marapwa tan sasar.
- 13 96. Kawasa nika samadhi ana teja kawulatan awas walung wiji,
14 Dudu sadudu ta warna nika ring sasiki padha ruhurniya geng nika,
15 Ikang aputih wisuddha aruhur tumutugi ikanang bhuwah lwaka,
16 Ana kapila bungah spathika warna nika kadi suweng nikang lemah.
- 15b 17 97. Ikang asirah menuh iking akasa mawa kasuluhan tekap nika,
18 Syama yatika prabhaswara tomen mataning umulat hendhep-hendhepen,
19 Ikang akuning pwa suddha kadi les ya hinganing umulat makin leyep,
20 Ikang abhiru mahakas alengit pawulatan ika tanpa-sambutan.

KAKAWIN MALAWI, GERIA PUNIYA, SIDHENA.11.

- 15b 21 98. I kang ahireng pwa nirmala tatan ana kilat anelat katinghalan,
22 Wekasan ika katon sawala yeka nir-awarana sonya niskala,
23 Sira pilihan-ta yogya wegilen tekap ira Sang anginesthya lembana,
24 Ya tan aharep kita rika palaywana tikanang acintya suniyata.
- 25 99. Malawa nihan waneh wacana Sang Muni-wara pituhun temen-temen,
26 Sedhengi harip-ta mehaning atursa ri leyep ika tekang hinteyon,
27 Ki sa . tika ngipi pwa masarira ta kita mapalih tikang hurip,
28 Pira ta laris pirang kari rusaksa ring awak aturu ya kawruhi.
- 29 100. Alilang awas pwa den-ta wihikan kataturakena aywa ta lupa,
16a 1 Bahina kulem prihen lagi-lagin lekasakena juge-ki nityasa,
2 Maran apageh katon kakawasaniya sari-sari huwas mawiskaran,
3 Mati tuturung hurip yatika siddha ngaran ika luput winarnana. o .
- 4 101. Len sangke rika sabda Sang Yati-wara tisyaya temen i kang tata brata,
5 Mapranayama saksana katemu tang teleng ahening anila-nila ya,
6 Mintar sekarika katon tang awelu mider akkullilingan mangurdha ya,
7 Prapta lwir mukaning cremin umaliwat ngwang irika katemu peteng pepet.
- 8 102. Sampuniyan kahalintangen katemu tang peteng anipis arang wawang hilang,
9 Gatiniye-ka ana lilang kadi pajang wulan awidi tatan anang wulen,
10 Miyang kadya-ksara ja ngadeg ngwang i tengahniya ana kadi lawang anyar menga,
11 Mintar sangkari-ka ndatan ana katon tutug i ruhur i sor padha honing.
- 12 103. Dik desa pretiwi tasik pawana tan ana rawi sasi len taranggana,
13 Anghing teka sire-ki tan ana sarira taya tatan awas maya juga,
14 Tanpa-jeng walakang tangan dhadha samar pawulatan ika tan anang muka,
16b 15 Anghing tunggal i kang mata gong awelu ri tengah anuluhing sarat kabeh.
- 16 104. Salwirning tumuwuh trena-ngtura lata taru kita ta huripniya tan waneh,
17 Yadyan satwa pipilika gong adhemit nguni-yuni Resi Deva Manusa,
18 Kinganiyan sira pakwaning bhuwana satmaka padha sarungan-ta tang sarat,
19 Sah ngwang sangkari-ka ndatan pahamengan luput hinangen-angen nyamut mengong.
- 20 105. Sachung-kwi-ki kabeh rengen pranataning hulun umusapi jeng Muni-swara,
21 Nghing tokin wekasang padhartha kawikun cinaritan ana len saka rika,
22 Ngwang pwa-rdha leleh angdadak-kena wuwus wruha nira parama-rai manghidhep,
23 Dirggaya yusya Sang angrenga Sang umucaranaken ira winokta panggihon. o .
- Iti MALAWI NIS-SMRETTA, gawe nira Mpu Salukat, samapta. Telas.
- 24 106. Lwir nira Sang telas nipuna wagai yukti sira darsanan-ta lihati,
25 Yogya tirun sapolah ira jati banda mateguh tikang angen-angen,
26 Rawi ta yogya gocara samadhi tan pati-patiniya molah atengot,
17a 1 Sasretri-keng turu pangan hinuk swabhawa nira rakwa tan kalalanan.
- 2 107. Wruh ira ring tutur huripi bhuwana pinaka bhojanan-ta umidong,
3 Indriya wahya guptama temen pinindha ya hininganan sawicaya,
4 Andel i kang hidhep wisala pari-purna sampun apageh,
5 Pinremaken pinindhana kinunci gupta ya turu ngaraniya ri sira.

KAKAWIN MALAWI, GERIA PUNIYA, SIDEMEN.13.

- | | | | |
|--------|------|---------------------------------------|--|
| 18b 19 | 124. | Talatah ika aywa tatan su-sila, | Diwasang buddhi lana mangala-deca, |
| 20 | | Kadi lon ana aywa ta mangkana ngwang, | Mata tunggal anon ta Bhathara Suk-
ma. |
| 21 | 125. | Apa-yapana niti mara tahan-ta, | Iwehaniya taye wruha menayan-ta, |
| 22 | | Atakut niyataniya tatan sayukti, | Matangen prih ikana su-sila santa. |
| 23 | 126. | Mawarah tekating kakapat Sang awruh, | Asana dasa lagawa huh ya kengin, |
| 24 | | Awarah ri kita jama jamani-ngwang, | Ulihi-ngwang anudu pangawruhi rat. |
| 25 | 127. | Pira daga nginucap asana ring rat, | Ikanang ta winastu datan mahalya, |
| 26 | | Upa-hacyan ikana sarat tinanggal, | Swangakeniya runohata kaptini-ngua-
ng. |
| 27 | 128. | Kadi mangkana buddhi nikang su-nica, | Tumeke Sang hinangena tanpa-hingan, |
| 28 | | Awamana luput ring agama yukti, | Sugihing papa kaduka ring kasektin. |
| 19a 1 | 129. | Matayan tan ulihing angamrihong kas, | Ketikang ku tan ulihing laleda, |
| 2 | | Litu-aywa su-sila tayan wiratya, | Yatika pangawakniya Bhathara saksat
* o * |

Iti MALA WIRANG.

- | | | | |
|--------|------|---|--|
| 3 | 130. | Malawi manewa satru kadi sagara makaranga tingkahing ratha, | |
| 4 | | Magelara ring tegal mahulu lancang apalihunga sarwa bhicana, | |
| 5 | | Maparasan ing majagthaga lumangkulu yata gaja tira rangkalen, | |
| 6 | | Pejaha su-dhira tapwa ya ratuniya kawonanga kapokan ong liman. o . | |
| 7 | 131. | Angenaha ta ngehulun watu tinandha garudha maka cihnaning jaya, | |
| 8 | | Ananema tai tigang siki(mak) katemwa hapuyutan apanjyaning kata, | |
| 9 | | Angaraka ta ngehulun anyang ikang sedheng abayu kaping tres ing sabha, | |
| 10 | | Payungana jong kuning hari-harin tekapi kecap ikang tabang-tabang. | |
| 19b 11 | 132. | Angadoga ta ngehulun ri tengahing gupura kamena manjingeng dalam, | |
| 12 | | Tulupana sangka katera gumuywa Sang abayu manungsung eng guyu, | |
| 13 | | Jaya-jaya Sang Dwijo-titama sumungsungakena paraning wang ing jines, | |
| 14 | | Satekapaning lumampah awilasa Sang abuhaya kapwa sanggraha. o . | |
| 15 | 133. | Wulangun ktang wiku mamupalana, | Saha mantra mudra winanguniya golar, |
| 16 | | Jaya ghanta ghanti saha sangka katon, | Ndi tikin katemwa rasaning sawiji. |
| 17 | 134. | Si heneng heneng ktika jata sekar, | Sekaring huwus wiku masimpen ika, |
| 18 | | Adade kta ngwang anuduh-nuduha, | Ri satingkahing bhuwana aywa tinut. |
| 19 | 135. | Aparan pinuspa nika Sang manekar, | Aparan cinarwa nira Sang macarwa, |
| 20 | | Aparan minantra nira Sang matawur, | Si dhengen lawan si pitara karika. |
| 21 | 136. | Ndi tinon dhengen mati ya tanpa-mangan, | Pitara lapa nangis ika ndi tinon, |
| 22 | | Kalawan Bhathara tinuduhniya ado, | Ikanng arcca lingga karika ya ado. o . |
| 23 | 137. | Nir-don tang japa mantra yajnya ginelar kawangunani Bhathara nityasa, | |
| 20a 1 | | Nir-don tang mala mabrata ngenes ing agraning acala sahianu nirmala, | |
| 2 | | Nir-don tang umeneng mayoga masanadhi satata mangaracananng tutur, | |
| 3 | | Nir-don tang taya suniya bhur bhuwah ikang bhuwana ri hilanging dig-antara. | |
| 4 | 138. | Icaning wiku yan pangarcana siwamba honing ika manganti yan para, | |
| 5 | | Icaning rumegap tutur pinaka sangka pinaka banyu citta nirmala, | |
| 6 | | Kambang tan bahanan lewas pinaka puspa niki mawangi nityasa nedheng, | * o * |

KAKAWIN MALAWI, GERIA PUNIYA, SIDEMEN, 1A.

- 20a 8 139. Malawi pamursitheng bhuwana yeki kataturakenan-ta nityasa,
9 Kita mara mantra siddhi winiwus kita pinaka kapuspa tan lewas,
10 Kita mara purwaka mula nikang taya kita pinake-sining taya,
11 Kita marika pinet kita mamet kita pinaka wisesa suksma ya.
- 12 140. Malawi jaye-ndriya stuti rengen ri karegepan iki nir-agraha,
20b 13 Malawi pamuspa jati ri sarira kataturakena sada smreti,
14 Malawi pangasrayan Sang amangun brata Sang atapa nis-prayojana,
15 Malawi kumewakenang acintya wekas i wekasing sinangsaya. /na
16 Iti MALAWI JAYE-NDRIYA, gawe nira Sang dharna ring Dhumaka.
- 16 141. Wapa rasaning mare ruhur alalana mameng-ameng eng nabhastala,
17 Dumadak asiddhya mogha wenang anapaka gagana nuksma manglayang,
18 Teka mangudhodha mangliga-liga ri wekasing aruhur yata suka,
19 Dasar ikanang Rasa-tala katungkulana nguni-nguni dig-antara.
- 20 142. Ringet-hingeten ndi sangkan ikanang rahina wengi lawan wekas nika,
21 Lawan i palong nikang wulan i kalani pejah ika yan tekang tilem,
22 Mwang ika tapak Hyang Arkka mider ing bhuwana sumulubing sarat kabeh,
23 Nguni-nguni tang kilat ndi ta kunang wekas ika ri huwasniya yan larap.
- 24 143. Lawan ikanang sinangsaya waneh ana ta manuk angambara nglayang,
25 Satata juge-nucap tapak ika tuhu karika kuneng aneng ruhur,
21a 1 Kuneng apa tan ane-ka ya wenang tumepeti ya tuhun rinakwa ya,
2 Padha tika kapwa kawruhana donaning umara ya waspadakena.
- 3 144. Sahana nikang sinangsaya ya kendhanga katoka teke ruhur temen,
4 Dhatenga ri wengkuning bhuwana kawruhana pana rawiniya Lor Kidul,
5 Inget-hingeten tika pahawasen tekap ikang umulat rika kabeh,
6 Lagi-laginen-ta aywa ta rinakwa ana kuneng ika kagindhala.
- 7 145. Ri huwas ika kabeh padha katinghalana delo-delon tikang paran,
8 Ringet-hingeten tika lagi-lagin tekapaning umare rika kabeh,
9 Henek-heneken temen-temen ane hati tikang ulihen kamoksakan,
10 Parana dunung delaha yadiyan teka si pati marapwa tan sasar.
- 11 146. Ana ta wuwus Maha-mpni ya tan sipi raket ika nong teke ruhur,
12 Ana ta manganti tan para yayan teka yatika nasambhawe-kahen,
13 Apan ikanang i sor mwang i ruhur sawiji kang ika ling nire-rika,
21b 14 Wapa ta kuneng silibni sawuwus niran hinajaraken tekap nira.
- 15 147. Kadi ta hening nikang gagana tempuhani rasani denira wuwus,
16 Pangawang-awangiya tanpa-tepi tanpa-pahi hening ika lawan i sor,
17 Hening ikanang i sor mwang i ruhur yata pinaka heningniya nityasa,
18 Yatika katemsaning sawiji mangkana ta karegepaniya tan waneh.
- 19 148. Jinalajan pwaye-manah aho ana ta kadi katon ndatan katon,
20 Ya marika kambanging gagana ling Muni-wara nguniweh twasing petung,
21 Kadi tan i rat hidhep-ku rumase ana ta ringa-ringaniya matra ya,
22 Yak angen-angen acintya nika mangkin alupa masarira moksa ya.

KAKAWIN MALAWI, GERTA PUNIYA, SIDEMEN.15.

- 21b 23 149. Ya marika margga Sang manusp ing giri-sikara matinggal ing suka,
24 Wruh ira ri ten tuwuh watu riking dadi ana mahurip ndatan lana,
25 Si pati sipat nikang hurip apan ya juga mangiku ya mangindhuyut,
26 Yatika dumeh nira nusup anganti sa-titah ikanang pura-kreta.
- 27 150. Bang ebun umungwi tungtung ikanang alang-alang i tengah ikang tegal,
28 Sakareng ika ananiya kasirir tekaping anila tan wurung tiba,
22a 1 Wulikni sor ya peten irikang lomah ring apa tikan kepanggiha,
2 Yata padhanang hurip niyata tanpa-amengan ika yan huwas hilang.
- 3 151. Ringet-hingeten pwa tan tuhu hilangniya ana kari-kanang huwas hilang,
4 Mawah i jatiniya sukoma mapisan mari maganal apan yayan ana,
5 Kadi gatining wuyah dhumawuh ing banyu kadi ya hilang ndatan hilang,
6 Hilang ika tan hilang kuneng apan ana kari kahananiya tan hilang.
- 7 152. Rasani-kanang Siwa-twa parama-rtha ri hati yata nitya gegwani,
8 Ri ana Bhathara Dharma riking angga sira ta tuturen-ta nityasa,
9 Brata tapa len samadhi gaweyen kaneketi pitutur Maha-muni,
10 Maran apageh tekeng pada wisesa luputa sakaring punarbhawa.
- 11 153. Ya matang ikin tutur gawoyaken sari-sari sarahan-ta tan dadi,
12 Rahina sada tikang manaha tanpa-balika lupa aywa rancaka,
13 Phalani tutur-ta tan sasara yan toka si pati delaha ring paran,
14 Ika si tutur pwa kaya tuturen ana ta lewih acintya tan tutur. o .

Iti MALAWI KASTURI.

- 15 154. Malawi manah-ku mur abayangan mepara-paran adoh ndatan laku,
22b 16 Padha pinarantanan tasik ikang tinapak ika gunung linangkahan,
17 Sapetik ika siran drawa angandel i wicara siran panukoma ya,
18 Sang abuhaya ndatan wawarengen kajenekan aturu tan umbara.
- 19 155. Dasar ikanang tasik ruhur ikang bhuwana yata huwas kinawruhan,
20 Malayu ri cempa cihna wewasing tarata nika kabeh katinghalan,
21 Sakama-kame-kahen ana nira geng awulat adhemit ya kandelan,
22 Masuk ing ahet ndatan kasesekan nguni-yuni ya lega kaumpengan.
- 23 156. Malawi mangiyya manguyupa sagara gumagap anganta rihsaka,
24 Maka suwongang diwangkara mangundha sasadhara mawastra waradha,
25 Makawacanang sutara manupura bhujaga makatang kanang tathit,
26 Tumatapa srengganing giri Sumeru maneh ira mangudwad angliga.
- 27 157. Malawi mangiyya naga saha bhusana teka mahilet ya ring kulem,
28 Madulura ratna bhoga saha mula manehera manunggang eng liman,
29 Kucurana sangta-sangta rikanang gagana jaya-jaya Maha-muni,
23a 1 Saha dhana mas manik ya sakalan murub angarab-arab su-teja ya.
- 2 158. Malawi tatas klesa padha winoha ri hati yata mura minggata,
3 Malawi nir roga raga mala kasmala kalusa ya nitya tan tama,
4 Malawi aneng cara pati lawan prihati luput ika tan ampela,
5 Malawi sahisnu nirmala sada tutura ri pawarah Muni-swara.

KAKAWIN MALAWI, GERIA PUNIYA, SIDEMEN.16.

- 23a 6 159. Malawi nihan muwah palakuning hulun irika Bhathara Sangkara,
7 Matutura ring tri-kaya-parama-rtha tan alupa rikang tigo-ttama,
8 Maran apageh rikang samahita teguha ta rikanang yasa ayu,
9 Yata gaweyang-kwa ring bhuwana masiha magaweya buddhi kirttiman.
10 160. Ndan hinget-hinget kamu Nyang ikanang pinalaku panganugrahe kawi,
11 Phalaning angarcasane-kita lawan matutur ri pawarah Maha-muni,
12 Kita mara mulaning dadi kamu Nyang iki yata rengen wuwus nami,
23b 13 Jaya-jaya dirggha yusya sira Sang mamalawi nguniweh Sang angrenga. o .

Iti MALAWI BARANG.

- 14 161. Malawi taman pangipya salakun-ta kahilangan ikang pangan turu,
15 Matutura mengete cita matanggwana kapatehaning manah wihang,
16 Dulurana saktining brata samadhi ri kawangunaning jite-ndriya,
17 Lagi-lagi sari-sari pahawas pwa rasa-rasana dharma Sang Wiku.
18 162. Rikanang hati yata mabayangan kaneketakena aywa rancaka,
19 Pasela-sela nikang bhuwana yeka wulatana dolen-ta nityasa,
20 Tali-tali talya tulya ri heningniya pagihakena langgenging tutur,
21 Kakekesaning samadhi wangunen kaneketakena aywa sangsaya.
22 163. Bhayan iki yadyapin kita kacidra ri pangawasaning harip harep,
23 Apuhara dukha pataka kabhukti tekaping asarira kasyasih,
24 Kawelas harep sira narima ngel ngelih ika panaputing dase-ndriya,
25 Alapa ri dharsa jati nira kewala wulangun anutaken hidhop. o .
24a 1 164. Huwus apageh wruhi-ngwang ira yan pinaka wighena don iking ana,
2 Apa ta nimittani-ngwang anumana ri gati niki aywa dur-naya,
3 Karana nihin prihen sakula warga hilangakena aywa sangsaya,
4 Lehasana sandhi sampun ika sirna tulusana tekeng pangasrayan.
5 165. Jaya kita ring samangkana pi aywa jenek i phalaning dase-ndriya,
6 Sira Sang amukti suniya mapa deyaning angarep angantya ring taya,
7 Apan ati durgame-nggita bhayaniya katekutana aywa niscaya,
8 Aliwatanan-ta peton ika len ana lewiha sake rika temen.
9 166. Katetecaning samadhi wangunen ri kahanengan i saktining tutur,
10 Ri hilang ikang katon sa-karenga papisan ika mamindha suniyata,
11 Angawang-awang tatan pagamelan ri punahing asarira sukoma ya,
12 Namu-namu tanpa-don katemu tan katemu temen apan turung lepas.
13 167. Ana sira tan kene-ki tinuduh tuhun hinucap iki ndatan katon,
14 Hininget-hinget luput sira linakananing angen-angen yayan ade,
24b 15 Sira ta winasta tanpa-kahanan ana karika sira-ki mangkana,
16 Kuneng apan eweh unggwa nira tan sipi kadi siluman siran ana.
17 168. Ana ta wukir tekeng langit apurwwa ya pinaka henu mare rika,
18 Arayeg ane-nggungan kapawanan kagiri-giri lawaniya bhisama,
19 Ruhur ika tan kene-ki pinanek tinapak ika luput nyamut-nyamut,
20 Putusing ares bhayaniya winuwus luputing angen-angen sinangsaya.

KAWIN MALAWI, GERIA PUNIYA, SIDEMEN.17.

- 24b 21 169. Sipi kari durgga moweh ing angungsir i kahana niran ta suksma ya,
22 Karana nire-ki ninggita pinet ri pamighenaning indriya-dbhuta,
23 Kunang ika Sang tumemwa sira Sang wenanga tumatap agraning wukir,
24 Wijiling upaya sandhi winangun maka genenga nikang lata mure.
- 25 170. Sira Sang anut ndatan siga sigun dinunungaken i saktining tutur,
26 Alawas anintim ambek apejeh-pejeha mahayu citta purwaka,
27 Ika ta nimittaning dhateng i agraning acala putusning hinggita,
25a 1 Tan himan-himan purih nira Sang ahyun angusira katemwaning pinet. o .
- 2 171. Watangniyan prih raksan si pati si hurip sachana nika,
3 Salah tunggal karya muhara hulangun ta ngwang umara,
4 Yadin wanten kalih pinaka wighena don tan alaris,
5 Ya tan wruh ri tingkah pakekesing amet sidhi winulik.
- 6 172. Kunang tapan tunggal si pati si hurip kengetakona,
7 Ri tan tunggalniyan seh kataturakona wastu sawiji,
8 Delen waswas byaktakona tahu-tuhuniyan tahu tepet,
9 Si punggung mwang pbajaya pun naheni huwasning wruh irika. o .
- 10 173. Yan sampun wihikan ri sadhyaning anandhi ri pakekesi simponing hichep,
11 Raksan rapwana sari-sari niki kengetakona saha citta nirmala,
12 Inte cidra hurip-ta patyani ri sampuni pejah ika aywa sangsaya,
13 Parih wangsil pwa tutur-ta kengeti tutur tuturakenang acintyaning tutur.
- 25b 14 174. Tan wruh yan ana Lor Kidul keithi langit bhuwana ketika ra huwas licin,
15 Mwang lawan ananing kulek rahina mula wekas iki taman kinawruhan,
16 Kewat kewala mudha punggung i kajatining angawaki sampuning tutur,
17 Byakta nyamat hilang ndatan pahamengan ketika ana niran huwas licin. o .
- 18 175. Wanten sikya-ota ing nabhi cadu dasa dilahniyu-jwala bhra pradipta,
19 Nir-dhuma was murub yan pralaya dumilah ing urdha desa niwarya,
20 Mangtin kapwa tinut ring maya dadi matenah kendriya krura rupa,
21 Yoka-ngde res katon sahaca pangalani mogha temah bhrinta citta.
- 22 176. Yan tan wring rehniya yekan dadi luput anasar etuning pataka-tma,
23 Sangsara-was tinut ri potong umijil atambah dhateng ratri tulya,
24 Byakta-was saprakara lawas asemu pitung lek aneng jro paratra,
25 Drak sigira nomwa tang rorawa tinut ing ulah dur-yasa nrih manuntun. o .
- 26a 1 177. Tan mangkana gati nira Sang wruhing mreta paran tika huwusa nika,
2 AM AH rwa ika pinati ring dalem hredaya suddha kinokes hiniwa,
3 Panca-ksara linitaken ing maha-pranawa marga saphala regepon,
4 Byakta-was ika katemu tang kamoksan aparau waluya dadi muwah.
- 5 178. Singgih tekap ira Sang amanggih ing kreta-wisesa kaputusan ika,
6 Nis-sangsaya sakaten ikang manah manut amogha kakawasa huwas,
7 Dwi-paksa sa-kawiji wenang tinut nira tatan matuta tilarena,
8 Ndin kewoha nira sira Sang huwasnipuna labda ri kapati nira. o .

KAKAWIN MALAWI, GERIA PUNIYA, SIDEMEN.18.

- 26a 9 179. Sang Hyang Atma-wisesa lingga manarir-OM-kara tan len sira,
10 Witning trya-ksara tan waneh sira mijil sangke manah nimna ya,
11 Yekan lingga maho-ttame-ki kinabhaktyang-kun satate-namer,
12 Mungwing padma wisesa sukma kahidhep ring twas leyep nir-bhawa.
- 15 180. Sor tang lingga sahasra sela sira tan len sukma lingga dhika,
14 Lingga swarna kasar muwah sira juga nging lingga diwo-ttama,
26b 15 Meweh rakwa sira prihen pwa yadiyan tan wring putusning hidhep,
16 Yadyan wus wruha yan durang tumemu sanya-jnyana meweh temen.
- 17 181. Tan eka-rtha manah nika pwang ati bheda mastwa Dewa-tmaka,
18 Yan Sang Wipra Bhathara ring twasa winastwa nging wekasning hidhep,
19 Iyan de Sang Rosi ring tawang ana nikang Hyang sira tan kawaran,
20 Yan loka-roca Bhathara ling nika su-siddhya-ngde kadirggha yusan.
- 21 182. Mungwing tan wahananiya Sang Hyang ika de Sang Sri Maha-pandhita,
22 Yeka prih pilihan pwa wastu prenahing Hyang pat prokareng jagat,
23 Yan ring wang juga dura manayakeneng ambek nikang mangkana,
24 Mwang tan miwa manatta manghanakona Hyang yan kawastwo-riya.
- 25 183. Sasing karma nika wang amrih i siran mahyun kreta nugraha,
26 Tan byakta taya ring swa-laksana nikan lwir maya wastwo-riya,
27 Yekan karama Sang huwus wruh ika nir tekang gelengning manah,
28 Mongot yan dharaka-ndha-suniya pinaka-wak sukma nisreyasa. o .
- 27a 1 184. Leyep ati-sukma nir-bhawa taman kawastu sedhenging taya parimita,
2 Tan ing adhah urdha madhya lalu nisraye-ki tan ing astha-desa tuduhon,
3 Ulatana ring taya lwir angawak tawang ring apa yan wenang ana nika,
4 Ring apa kahingani sakala nickala tisaya durlabha pratihata.
- 5 185. Yata juga mangkane-ki sira Sang huwus kreta wisesa laksana sada,
6 Mina wengi tan kaluptan hinamer samadhi sedhenging maturwa matangi,
7 Mara pan awas taman karakteran manahni-kanang indriya-ri satata,
8 Sahirana len twaya ndi wenangang lana pupula tan wurung dadi hilang. o .
- 9 186. Tingkah nikang Hyang anarira samuhaning rat,
10 Lwir tan tumut kadi tumut sira tanpa-wastu,
11 Pinrih luput milu manangsaya sadhya tan len,
12 Tan len hinastawa mangastawa pakea mantra.
- 13 187. Ndin tar wenang temunen ing wang acadhya mangka,
14 Yadyan wang eki useneng tan atarika citta,
15 Ndi tang tutur matemahan lupa nis-prayoga,
16 Mangtin dahat parama durlabha tan kagegwan.
- 27b17 188. Ndi teki laksana sayogya wenang wruh eng don,
18 Apan dahat rusit ikang parama-rtha guhya,
19 Ndatan wenang prihen ikang cadu karma widwan,
20 Byakta mangun salahaseng wang alaksane-ki. o .

- 27b 21 189. Meweh Sang laliseng taya tisaya sukama cintya ring durlabha,
 22 Kwehning citta nikang sarat ganita Sang mamrih prasiddhe ayu,
 23 Singgih yan taya suniya ling nika juga ngning diwya sukamo-ttama,
 24 Byakta-was ring haran nir-aksara wekas nir-lina nir-laksanan.
- 25 190. Ndan Sang wus putusing prayojana juga ngning tan wenang mangkana,
 26 Duran mungsira mulaning dadi sakong nirbhana suniya kreti,
 27 Byakta-was taya tan sakong taya nikang loka lilang bhaswara,
 28 lit suksmeng paramo-ddha windu wekasing sadhyo-nucap Sang Wiku.
- 29 191. Apan yan mesarira suniya taya tanwun maya tatwa-tmaka,
 30 Wyaktiniyan tumbeng swa-cittani-kanang rwa-ngde manah kung lulut,
 31 Sengning mamata raga wredhhi nagawe kungning bapo-ndung rimang,
 28a 1 Dadya-nggeng rarasing sama-gama padha nggeng raga hareng langa.
- 2 192. Wuening mangkana yan pinangguhaken ing twasning bape-ndung lulut,
 3 Ring sad-kroca mangketa-warna mahoning sthira lilang nirmala,
 4 Dadya reka catur prakara niyata lwir arddha candra raras,
 5 Lwir OM-kara mawindu rakwa humideng sweta-tma suddha kreti.
- 6 193. Yekan mangkana purwuning dadi sakong suniya-ti suddha lilang,
 7 Lwir cakra puteran hurip matemahan lina temah tang hurip,
 8 Sangsiptaniya mateki aywa nusucir mula-tma janman dadi,
 9 Yeka prih wirahaniya tan matatur eng jyoti lengeng nirmala. o .
- 10 194. Wanton rwa-tma wibhuh wisesa sira murti mamenuhi sariraning jagat,
 11 Dhina nindya sarira wredhhi sira yan sakaka parama durlabha dhika,
 12 Lwir candra-rkka padha-ti bhaswara loyep mamenuhing adhah urddha suniyata,
 13 lila-nut heninging swa-citta parama-rtha ri Sang awikan ing Siwa-smreti.
- 14 195. AM AH reh sira jatining rwa ana wastuning anagata niskala-tmaka,
 28b 15 Sthira-nut pinaka-waking stiti kang utpati katuduh i suksmaning hidhop,
 16 AH mantra-ksara yan wyapara menuh ing tri-bhuwana sira jiwaning jagat,
 17 AM lina-ksara suniya-rupa pasuking japa makekes ing antara-laya.
- 18 196. Yeka kara wisesa nir-mala bangun sphathika mani wisuddha bhaswara,
 19 Lengheng niskala suksma ring hredaya bindu manarawang acintya nirmala,
 20 Rep marya tutur ing sarat loyep aniera nir-awarana moksa karana,
 21 litning jayana huwus mamindha taya tan taya tayani-kanang hir-atmaka. o .
- 22 197. Moksa lepas lepasing tekeng don, Atma lilang tan awastu suksma,
 23 Suksma winargga lengit kasuniyan, Bayu wibayu samatra nora.
- 24 198. Nora tuduhniya ring andha-bhumi, Tan ana yan wuliken rikeng twas,
 25 Twasni-kanang kapatin pralabha, Labdha lebur drawa suniya rupa. o .
- 26 199. OM Sang Hyang Parama-rtha Siwa wekasing taya sira ati-suniya niskala,
 27 Sang tan seng selaning jayano-tpati gineng pratima .. wasa-tmaka dudug,
 28 Wyoma mandhala sar-sphathika narawang pikokos ira ta ring yawo-dalem,
 29a 1 Ana-sraya pamindha yan-ta umideng lana patitis ika gra-nasika.

KAKAWIN MALAWI, GERIA PUNIYA, SIDEMEN.20.

- 29a 2 200. Tan limbek laku tan hili manahi Sang sedheng uniwa pehing kajatsmikan,
3 Furwaniyan tinutur tekapning amiwoka ri wenanganing ati-durlabha,
4 Ka-kangea paruket nikang parama-tatwa mawak ing adhah urddha suniyata,
5 Litning nadi minukya yaya pangineb nawa-sadhana ika ndatan tuten.
- 6 201. Jnyana wruh winidi taye-ka paraput prathama nirang anemwa nirmala,
7 Tonen tang ati-suniya-neng maha-ti-suniya nawelu leyep ahening aho,
8 Kantha sareti tuwi-ndra caksu umegung pangibek ira ngulilinging jagat,
9 Bahan etu nire-ki yan parama-gambira tekap ira Sang Kawi-awara.
- 10 202. Wira-sandhi parab ira-resa madamel katha tineher i patra Sawalan,
11 Ksantawakena de Sang Adi Kawi-rajya mudita maraheng kawlas asih,
12 An tan wring guru laghu bhasa bhasita kinuta ri widhi candha ngaksara,
13 Manggeh tan wring hirang cinodyani para ngguyu-guyu ri kapingginging laku.
- 29b 14 203. Doning tan Kawi-rajya kewala keda panalimurakeneng putek hati,
15 Nghing siddhya-stu lebur nikang tri-mala Dewa ngawasa Bhagawan Praja-pati,
16 Hgkano-nggwanani padma waluya maho-jwala sumuyug i Surya-mandhala,
17 Candro-ma-laya sukla Siwa pinutus tan hurung aniruweng dwara menga.
- 18 204. Cetre dasami kresna-paksa kaliwat hinuwaca luhuring prabhu wibhuh,
19 Sungsang sampoyi nalani-ngwang angapa niyata gati Sawala dur-yasa,
20 Rya-pan sphutha tekapniya yan kalamukan turung umuninga widha widdhana,
21 Ndah prata-sthana santya tita waya di stana madulura santi tojaren.
- 22 205. Kapwa teki tatan ane tuna liwat padha-padha sarana samahiman,
23 Windu dwaya sawato-rddha nasike wiji-wiji sahaja wetun ika, /da
24 Mukta moksa lepas sanirbhana nika garbi nika ri catur-prama-rtha ya,
25 Tan popama sarira yan julung ado muka pinaka sahaya wisata. o .
- 30a 1 206. Ndaya tang tinemu tekap(ikang) i Sang Maha-rddhika putus ri kamuni wacanan,
2 Sambhawya-la ayu suka dukha tumrasa ring adikara nguwus-huwus,
3 Dewa-mbhara yuga maka margga lina nis acintya-pada ngaran ika,
4 Nir abhipara ya nir-upekta tan ana yitra karaketakena.
- 4 207. Tan warnana rupa winuwus nir-aksara nir-asroya panganumanan,
5 Tinwan ta sira nilu manon rinasan ilu mangrasa ngamer hinamer,
6 Mawak rasika tar umawak ya tanpa-hinganana nipuna nika nika,
7 Kewatti saba licin ikang aheninga aho taya mara tuduhen.
- 8 208. Nghing mangkana pawarahi Sang wruh ing pati paranti ring anadi-kala,
9 Rengwakena tekap ira Sang kuminkin niyata saphala taki pejah,
10 Ring natkala hurip ikanang sarira subha-manggala tepetakena,
11 Ndatan kalubana rahineng kulem ri paturun-ta juga hinget-hinget.
- 12 209. Eman dumadi jana ike tatan dharaka mong wirasa laya-laya,
13 Tan heren ing alali bingung wyahaya tuwi yan pale-palehakena,
14 Yekan asara-sara rusitniya yan kalusa buddhining angalem-alem,
15 Prayatna ta kita ri pagugwaning sareta mreta di gave-gaweyen. o .

- 30b 16 210. Hir tang sasana nguni ring Kreta tirtha tatwa,
17 Ing dwapare-ka tumiling lalu tan kawimbha,
18 Prapteng Kali-yuga maha dama mala peka,
19 Wang wredha wala padha tan wruh i nuluhaniya.
- 20 211. Accarya-ja mana marun musi para sangkan,
21 Niyang yusya lagi lewes hinilyupa-wada nicca,
22 Karaniya tan wawarengon dira sewa gama,
23 Bayu pranawa pinened meneb ing hulu jro.
- 24 212. Rudraksa mudra kutha-mantra sasipta puja,
25 Antyosthi dharmā jati nguni sangara widhya,
26 Ndan utp̄thi sthi kalawan pralina ginutha,
27 Sampurnang indriya sedheng sinek ing kalengka.
- 28 213. Drestho-pame sekar ikang sami wreksa mabang,
29 Arddha walepa gumoleng mangani saroja,
30 Mangtang mucik cumacad ing bhramara ngamer hyas,
31
- 32 214. Yapwan laler mahata ring bhrama mangsa hosyan,
33 Melik ri tawan umiden madhu kusumite,
31a 1 Ing wre samangkana ya wak pramadeng ayukti,
2 Kewalya dur-jana luwik sthira buddhi campur.
- 3 215. Syape-ki kaya aku lingniyan angebang-hebang,
4 Ring wirya sakti gunawan wira rodra rupa,
5 Bhathara Sakra hina sor pangidhep ri hati,
6 Momo tumengha ri langit bhisana sarosa.
- 7 216. Ambek sawegha tan ares lumalana surang,
8 Tan tyaga yan pejaha ring awacana karya,
9 Purih sarira tan anginkina wara dharmā,
10 Nis-phala pan kasahaban ri raje-ndriya ngrug. o .

Iti MATA PRALAPITA.

- 11 217. Ambek Sang Yati suddha kewala sawang dinakara wara teja bhaswara,
12 Stitya nantara sa dur dharaka su-sila manginaki ri buddhining para,
13 Sthireng agama sara sastra ya ginugwa nira sa-rasani pralapita,
14 Sing sasolah ira nut ing parama tatwa tinaki-taki lot linaksanan.
- 15 218. Rumning candhana tulyaning wacana mangdani resepi manahning angrenga,
31b 16 Praya sor ndatan hangkara-abeka manggeh parama-suka sabudhi nirmala,
17 Bwat san dharmawa sonya matwang i wuwus tar huninga ri sasolahing waneh,
18 Santosa kawi sambhrameng wang apitowya mara-marahi muda kaswala. o .
- 19 219. Wanten pangraja mungwi madhya nika ring wana atisaya sobhita alep,
20 Puspaniya-rjja ano rikang jaladhi tanpa-tepi mawangi nityasa nedheng,
21 Wahniya nindya ri simpang ing awan apurewa sata pinaka si nikang hidhep,
22 Anghing lot ika candra surya sumena manuluhi irikang sarat kabeh. o .

KAKAWIN MALAWI, GERIA PUNIYA, SIDEMEN, 22.

- 31b 23 220. Sang Hyang Brahma mawak ring sa-bhuwena ana ring nabhi manggeh pralabha,
24 Atma jatin mawas ing sakala siniwi ring jagra rakta-ngga warna,
25 Widwan menggep jagat-kartha kreta pageha karakea ro rupa tatan lon,
26 Singgih Brahma catur-sirsa gumesengana ring sarwa papa-ngga wighna.
- 27 221. Atma tan sthitya ring mula sana maka dadin Sri Maha-wisnwa ring rat,
32a 1 Menggep mimpin dalenning hredaya marahaken yan mawarna-ngga kresna,
2 Pantes bhukting turu ring sakala siniwi ring ratri ring rat widagdha,
3 Siddho(uda) U-kara ratri prakasita magawe suptaning janma sangghya.
- 4 222. Sang Hyang Trya-ngge para-tma kreta parama sira nindya ring rat wiseca,
5 Lila sweta-ngga warnan gumawe yi sukating jro susupta-ti bhukti,
6 Singgih murti MA-kara-ksara nira mapisan yan maha-tma wisesa,
7 Kantho-athano-nadeng gana sira ta wuwus lingga pulingga jati.
- 8 223. Manggeh Sang Hyang Maha-dewa sira siniwi ring sapta-margga pralabha,
9 Sweca langgeng kuning warna nira taya nir-atma su-satya ti-suddha,
10 Ambek nir-wighna nis-sangsaya wijaya rumakoeng jagat turya bhukti,
11 Lawan OM-kara ring aksara nira mapisan madhyani jagra supta. o .
- 12 224. Sang Hyang Rudra widagdha dhira guna-manta siniwi sira dharma suniyata,
13 Ring bhrumadya sawang pratangga numujil sira ta pinaka dhipaning sarat,
32b 14 Antya-tma parama mreto-ttama parem sira pinaka sarira kottama,
15 Turyanta-stha ring arddha candra maka ngaksara nira winidhana murttiman.
- 16 225. Atma niskala nirmalo-ttama gumegwani pangawak iran Sada-siwa,
17 Paniya-stha kreti suddha singset apageh sira pinaka patirthaning sarat,
18 Kewalya oraya menggep agra saha deha tahu-tahu wisesa mukya ya,
19 Rupa windu mapurna purwa mawelu lengeng amawa leyep nir-aksara.
- 20 226. Suniya-tma parama Siwo-ttama kabeh pamekasing angucap nir-acraya,
21 Ngkanong urddhika rengga agra mapisan sira pamekasi sadhya Sang Yati,
22 Satya-rtha dhika darano-mulahaken sahana-ana nikang kahengkaran,
23 Manggeh yan parama-ti kewala ri nanda panuwusan iran nir-akreti. o .

Iti SANG HYANG SAPTO-N-KARA,

- 24 227. Purnaning pabangun pratistha ri dalenning ratna kumbha mreta,
25 Yan ring suniya-ti suddha citta winangun ring sukema jivo-ttama,
33a 1 Ring jro tietha wisuddha nirbhana lumeng lwir surya kothi prabha,
2 Byakta niskala nic-parigraha gumawya jnyana suksma licin.,
- 3 228. Sakwehning mada raga mantuk umareng purwanta tan wring paran,
4 Bwatning treena ri mulaning dadi temah lwir cakraning syandana,
5 Tan wruh yan parama-rtha durlabha nir-agra cintya margga lengis,
6 Saksat rakwa damar paratra waluy ing suniya lilang nir-bhawa.
- 7 229. Ndin ryu-nggwan wekasing mreto-ttama pinet ri salwaning rat kabeh,
8 Yan tan Purwa ri Deksin-ordha ring adhah Pascima ring Utara,
9 Dura sambhawa yan kapanggiha ngenoh litning mrety-tya lapen,
10 Tan lon rakwa ring angga sara wekasing moksatha margga prihen. o .

- 33a 11 230. Ngkan barwa-ksara sara kapwa numulih panca-ksara nggeh nika,
12 Ndan panca-ksara sara kapwa numulih ring trya-ksara nut krama,
13 Na tang trya-ksara sara kapwa tincher wiswe-ka warno-ttama,
14 Sangsiptan pranawa-ksara-ngga sira saranta tomah suniyata.
- 33b 15 231. Darbba-iran kahanan tusara padhani prana hening nirmala,
16 Tejaniya semu candra-wimbha sumena santa alep bhaswara,
17 Ring madhya krama padma purna wikasa lwir surya kothi prabha,
18 Sorning pangtaja cakra nadi kahatur dhipa bhra nir dhumaka, o .
- 19 232. Ring so-dasa mreta heletniya jage-king urddhah,
20 Ring dwa-dasa mreta muwah ring adhah prasasta,
21 Ring Brahma-randra wekasing winusus ane sor,
22 Patala-sapta teka ring Sata-rudra-loka.
- 23 233. Pi sor nikang sata sahasra ngaraniya Rudra,
24 Ringan Bhathara Parama-rtha wekas nira nging,
25 Yan ring ruhur ana wisesa ginuhya tatwa,
26 Akasa yeka ta wekas nika talu kanta.
- 27 234. Sang wruh ri sandining acintya kamuktani rat,
28 Tan Purwa Daksina ri Pascima tan Kowera,
29 Rya-doh da madhya tan ikana paraniya lina,
30 Kong angga sampun apageh pawarah Muni-ndra.
- 31 235. Sangsipta meweh ika Sang maharep kamoksan,
32 Litning rahasya parama-di ngacintya suniya,
33 Yan ring samangkana luput tuduhon gatininya,
- 34a 1 Nir-wastu suniya pasarira nireng wekasan.
- 2 236. Ngka sukma tan kena winastu tatan ring suniya,
3 Suniya-nta munggu ri dalemning acintya suniya,
4 Suniyan-ta tan salah anut Siwa-tatwa margga,
5 Margga-nta ngusirang acintya dunung nira was.
- 6 237. Mawas ta rakwa sira yan wekasing kamoksan,
7 Jatiniya tan lwang awewa padha suniya-tatwa,
8 Tatwan-ta tan kena hinopaken ing mapunggun,
9 Punggunniya tanpa-hinganan wekasing kamudhan.
- 10 238. Mudhaniya tan kena tinut tumut ing gunaniya,
11 Sangkeng gunaniya matuduk ring acintya mawas,
12 Mawas ta rakwa gumeleng ri pada-dwayan-ta,
13 Tan rwa dhikara sumena kadi surya lumra.
- 14 239. Sang Hyang Tiga-ksara maweh guna tanpa-hingan,
15 Tunggal tri-bheddha matemah pranawo-rddha sakti,
16 Saktiniya tan ana kahentyan anut penuh sek,
17 Ndatan tune prana patch nira nir wikalpa.

- 34b 18 240. Na sapta-wesa wisayaniya tetan ana ngka,
19 Rep saksana wedi tumon gati Sang tri-sangghya,
20 Murtto-ttama dhika nuwus nira tan anangsal,
21 Yogya prihen pinaka margga tekeng kamoksan. o .
- 22 241. Wanten margga tinut ndatan pahamengen katemu matut i himbanging geger,
23 Yekan manusa nie-kula licin awan parama-resi musir nir-asraya,
24 Suddha-nanta bangun langit ri tayaning jaladha sa-helaring madhubrata,
25 Nie tekang suka dubka nora pati len hurip hinilagan ing ala ayu.
- 26 242. Salwirning bhuwana-ndha mantuk irika dununga numetu ten wruh ing paran,
27 Citta cettana margganing dadi sawang ratha gumulung aputran ing henu,
28 Tan menget tan amargga durlabha nir-agraha saphala katemwaning taya,
29 Saksat rakwa paratraning damar ulih nira luput hindhep nir-aksara. o .
- 30 243. Sang Yogi-swara nitya-kala magawe dyana-di yoga dhika,
31 Dening dyana makadi bayu winatek ring turya marggo-ttama,
32 Yekan rakwa tinutning atma numareng urddha ndatan kawaran,
33 Linang atma Siwa-tma suksma wekasan nir-atma nis saksana.
- 35a 1 244. Wanten tojaning atma sighra sumena lumra ngasut bhaswara,
2 Ngkaneng urddha satejang atma dumilah ring sirsu desan lumeng,
3 Tan pendah kadi surya(lumra) wimba sumena mwan candra purno-jwala,
4 Ndan Sang Hyang Parama-di Murtti masarireng atma yan mangkana.
- 5 245. Tatkalaneya Siwatmang atma numaluy misreng Bhathare-swara,
6 Linang sthula-sarira suksma wekasan nir-atma nir-laksana,
7 Kintwa-jyana mateki mateki tanpa-gamelan nir-guna nir-laksana,
8 Ndan Sang Hyang Parama-rtha tatwa masarireng atma yan mangkana.
- 9 246. Singgih yan rasaning Siwa-tma pangawak Hyang Suksma yan mangkana,
10 Pehning jnyana wisesa sarini-kanang dharmo-ttama nindita,
11 Ndan Sang Hyang Parama-rtha sandhi kinenyep Sang siddha Yogi-swara,
12 Yeka rakwa pinoh ri citta tinoleng de Sang Maha-pandhita. o .
- 13 247. Ha ho he Sang Maha-tma tieaya nipuna ring sarwa sastra-ti suddha,
14 Sang wruh ring sarwa puja-rccana japa nguniweh weda mantra-rtha sabda,
35b 15 Lila-nggeng dyana yoga stuti taya malupeng tatwa Sang Hyang Siwa-tma,
16 Singgih yan murtti Sang Hyang sira teka manurun Sang huwus labdha sastra.
- 17 248. Ndan doh Rakryan matakwan gatining Atanu len tatwa Sang Hyang Tri-netra,
18 Yan ring sthula-rddha bheda-tmaka kunang irikang suksma suniya-tma tunggal,
19 Apan kapwa-ti suksma-tmaka sira wekasing durlabha cintya murtti,
20 Kapwa-jnyana-ti guhya nemu pangawak ire duk sedheng suniya-rupa. o .
- 21 249. Om sembahning ana-sraya nahun i jeng Pasu-pati Siwa Dewata-prabhu,
22 Manggeh linggani Sang Maha-dwija wimukta kahana nira tiktha ten wanoh,
23 Kangken tirtha pawitra suksma bhawa jiwa mangulahakening sarat kabeh,
24 Litning jnyana pinoh sira ngawaki yoga pemasehana citta dukkita.

- 35b 25 250. Sang Wikwa sana-mantra deya rinogop nira parama rahasyaning warah,
26 Puja dyana lokasniyam purwaka pangunci nira kinenyep ing samangkana,
27 AM AH mantra ri mula-kantha patitisiya pinati i dalemnikung hati,
28 Sukma-jnyana minisraken ri leyeping taya dunungan ikang samahita.
- 29 251. Ndan mudra-rocana sukesa bayu winatek ri pakekesan i sandhining hati,
36a 1 Nirbhana-tma sarira bandhana tekapiya linagi-lagining nir-atmaka,
2 Prihniya-cintya mareng tri-eka teka ring kadhali kusuma yoga pageha,
3 Rug tang jiwita yan prasada sehaneng tanu tan huninga ring sama-gama.
- 4 252. Sakwehning wang anodhya ring anemu dosa tan huninga ri mulaning dadi,
5 Tan wruh yan panitah Bhathara Widhi mangdani ala syu mucha len guna,
6 Hwang karma kreti jati buddhi karuhun tinulis ika ri Lalatha pagoh,
7 Lawan sangken ikang sugih kasihan ing jana lawasi tuwuhniya len mreta. o .
- 8 253. Wanten laksana Sang Pinandhita sakeng ripning mata-rjje-namer,
9 Litning bayu-wisesa langgeng umeneng dadya temah wiswa ya,
10 Byaktang atma samuha yeka papupul ring ra prawose riya,
11 Rep tang supta datan masupta sakaring supta-ti nis-grahita.
- 36b 12 254. Atyanta dhika suddha nirmalani Sang Pandhya-ti yan mangkana,
13 Wyakti yan sira murtining bhuwana sek mawak wisesa-tmaka,
14 Apan tunggal i tatwaning sakala nis-kala-nta ring purwaka,
15 Singgih Sang mangaran kreta-rtha nira Sang Pandhya dhikareng sarat.
- 16 255. Sang prajnya wruh i tatwaning sakala nis-kala tepet angidhep Siva-sareti,
17 Stherya-nut sawarahning agama yateka lana pinaka gegwaning naya,
18 Lila jnyana nira-ti sonya satata nutakena salekas Maha-muni,
19 Lwirniya tyanta ti suddha suniya parama-rtha mapageh alilang nir-antara.
- 20 256. Sampun yatna sireng kasaktining aweh lara turida ri cittaning dadi,
21 Apan lwirniya aneng sarira gatining ripu sakala manisra ring manah,
22 Yeka ruddha maweh prapanca satata ndan i peteng anasar sakeng tutur,
23 Lupteng sasana dharma-sastra sawarahning agama tinilarniya wi-sareti.
- 24 257. Mangka kowehing andadi-ki ya nimitta niran apageh ing nayo-ottama,
37a 1 Tan linggar sakaring su-dharma-kathana dhika saphala maka-tma raksaka,
2 Wetning bhita ri dustha-karma wihikan yan atemahana papaning tanu,
3 Mahan eta nira-ti yatna satata pageh angulahaken tapa brata. o .
- 4 258. Angde sasar i cittani-ngwang angapa reh Sang Mapa-pandhita,
5 Sthira-mbek nira tan salah paran ikang jnyano-wideng nirmala,
6 Pehning yoga rahasya sandhi pakekesning candra wara mreta,
7 Anghing bayu-wisesa ye-naris-aris ring mula kanthe riya.
- 8 259. Ring sor sthana kinunci sukesa ri dalem twasning prapance lilang,
9 Aditya-sana madhya suddha rinogop Sang siddha Yogi-swara,
10 Ngtane jro parama-rtha suniya wekasing nir-mantra tan wyapara,
11 Rya-dheh nabhi yata gni-dharana ngaraniya panggeseng pataka. o .

KAKAWIN MALAWI, GERIA PUNIYA, SIDEMEN, 26.

- 37a 12 260. Aywa cinitta tang wisaya wet nikang hinak-hinak,
13 Tanpa-phala mbeki-ngwang agawo mala ala ayu,
14 Tan huningeng sarat sakala wahya pucanon ika,
15 Tresna wiweka punggung hilanganiya toh rasanana.
- 37b 16 261. Tan guna dosa ring bhusana Sang wruh ing kalepasen,
17 Jnyana-wisosa tanpa-tepi tulya sagara leyep,
18 Jro nira tanpa-hingan aparang kuneng wekas ika,
19 Suniya maha-ti-suniya ring acintya nir-bhawa sada.
- 20 262. Yan wruha ring nir-artha parama-rtha tatwa kawikun,
21 Margga nikang Siwa-sareti katemwa de Sang atatur,
22 Tirtha pawitra pangrahupaning mala-traya hilang,
23 Yan hilanga ndi wastu dinunung tan nora katatur. o .
- 24 263. Hidhep marika yan wruhe wekas ikang lekas iaulah iking turung putus,
25 Yayan ana ta pajaring guru yatan lagi-laginen adoh kapanggiha,
26 Iwehniyan iwehing panunggal ira tan kalihatan iking aksi yan doling,
27 Ananiya tuwi tan aneng rahina ratri rasa-rasa rasaniya durlabha.
- 28 264. Pinandeng apa tan katon ringep ing hredaya kasaputan dase-ndriya,
29 Tinut mabayangan tikang manah hinanti nir-awasana mogha tanpa-don,
30 Tuna wekasan angdurus-durusaken manah anginur-himur salah curup,
38a 1 Pramada magawe wurung peteng asih prihati mungenga buddhi cancala. o .
- 2 265. Bhranta ngwang malara-ti kastha maputek karawitan i raras-ta tan sipi,
3 Nghel-kwa-mot ri ajeng-ta rumni wadanan-ta winulatan i wimbaning wulan,
4 Luh-kwa dree mangasapta tan temung hunong ujar amanis lulut-ku tanpa-don,
5 Nghing sabdan-ta anong dwirepha tubu sonya kajenekan i panjrahing sekar.
- 6 266. Busning stri mapa ta tumandhinga ri rum-ta maka guruning adyah ing tilan,
7 Mangke pwo-ki pejah tatan-pajamuga kakawin hinapi munggu ing karas,
8 Ah ndin panglipurang prapanca mami tumpeken i kalangoning pacir wukir,
9 Prayang-kun tan akung mawet ahurip angjajahana leyeping wana-srana. o .

Iti BHASA MRETA SAMANA, TAN AKUNG.

- 10 267. Lampus lampahing anganyut kung anilib tinghal laring-kwa ngenes,
11 Nguniya nukssa ri panjinging hulun anyidra Sri anong jro-puri,
12 Mangke pwo-ki kaciryan ing gati nihan marmang-kun anis mijil,
13 Yatna nginto ri tinghaling wruh irika pet hyun nghulun ring kulem.
- 38b 14 268. Rincin tingkah ikang awan ri tekaning ratri pajangning wulan,
15 Jrahning sarwa sekar padha nalasa ring margga mangun harsaja,
16 Boniye-kang pisang ing jurang kaselohan dening konyarning sasi,
17 Ranya liuran ikang bhramara teka harsa-ngdon rarasning sekar.
- 18 269. Tan maglis larining lumampah i sedhengning ratrya wch kung lulut,
19 Sobha ngambara sudha tanpa-taletch ranya pajang tang henu,
20 Cunggeret nggyat aganti suniya schuran mungging ruhurning tahen,
21 Sinrangning komanak nika-tri karonga tanpa-ntara mlad hati.

- 38b 22 270. Lila-lon larining manga mahas angingkis tut lepitning jurang,
 23 Darpa marna ri ranyaning sa-kamatan ngwang lalana pet raras,
 24 Mahyun dadya nikang palambanga lawan kita pralape-namor,
 25 Tan sah ring tanah arjja sadhananing amrih mangdawaken langa. o .
- 26 271. Pujaning Smara kalaning jinem angarecana ginelar Anangga sastrika,
 27 Puspaniya-rjja nuroja tan sah ana ring tangan inagem apindha lepana,
 28 Mrikning dhupa su-gandhaning pupur awor mingingi wangini keniya yan lukar,
 39a 1 Dhipanayan piringing matha-rjja kadi pangkaja sumekar anganti ring ranu.
- 2 272. Hisning sweda nako-daka dres ika tarpana numijil anut greting tengah,
 3 Mrikning sangka nika kesahning anulak jaja angesecean angrengih-rengih,
 4 Ungning ghantha panyumbana hreng asawang bhramara umung i panjrahing sekar,
 5 Legya kembang-uraniya compaka lunyut sekarang asana laywaning gelung.
- 6 273. Sampun mangkana panggelarniya sawiseca rumogepa ri citta nirmala,
 7 OM KRU Kama su-purna Dewata ya manggala ya namah ikang minantraken,
 8 Yan mahyun pwaya santana nulusa ring guna parasa widagcha nitinan,
 9 Sri Kame-swara Dewate-ka ringep ri huwus ikang ulah samangzana.
- 10 274. Mahyun pwa-nak apungsa laksanakenan-ta saha widhi ni mantra siddhiman,
 11 Striniya garbhini yan tigang wulan akara tulisana wija-ksara dhika,
 12 Bhama-kara nika mpu yan tulisai kara dulurana su-sila su-brata,
 13 Mwang mretyu-njaya mantra siddhi pinaka sraya pamagehana jiwa raksaka.
- 39b 14 275. Ndan Sang wring smara kapratietha nira ring tanu pinaka sarira tan kasah,
 15 Mungging jiwa maha wroto-ttama sawang sasadhara kumenyar prabhaswara,
 16 Sakeat pangkaja sarining kusudha rum nira tunawuh ing arnawa dalom,
 17 Misra-nut kalangeniya ring Lawana-sagara yata gumawe pasang surud.
- 18 276. Ring sukla pratipada tistha nira ring dalamakan ikanang pade-ndriya,
 19 Yan ring masa nikang dwitiya ana ring wetis araras hartu sawang pudhak,
 20 Ring trya ethana aneng pupu kadi tayan gadhing amaya-maya tininghalan,
 21 Ping pat sangkyu nikang jaghana mangdani turida sira ngresing hati.
- 22 277. Pancanika sira-na ring kapurusa ndan ika turida raga sung rinang,
 23 Ring casthiniya ta munggi nabhi pinako-aggwa nira papupuling promana ya,
 24 Ping septaniya ri padma pangkaja nikang hredaya pinaka sarining dala,
 25 Ring asthamika sangkyu waksa kahanan tulisa kawekasing tri-aksara.
- 26 278. Ring nawami sira-ki bahu tula rupa nira tana singhitniya topama,
 40a 1 Yan ring sukla pacangyaning dasami katha sawawa kadi lunggahing gadhung,
 2 Ring eka-dasi sukla-peksa ana ring tutuk awijila sabda marddhawa,
 3 Mungging lungid ikang ghrano-ttama yan ing dwi-dasa kahananing Smara sthiti.
- 4 279. Mwang trayo-dasa sukla munggi manisng matha kadi rarasing saroruha,
 5 Mangko pre-ki catur-dasi jaghana kasthana nira sira windu desana,
 6 Ring Brahma-dwara murtting Smara wiseca pinaka Siwa nangga Sang nahan,
 7 Apan murtti Sanat-kumara maka jiwita sakala su-rupa yowana. o .

KAKAWIN MALAWI, GERIA PUNIYA, SIDEMEN.28.

- 40a 8 280. Sang siptaniya ri mewebling wang aharep mangusira parana-rtha durlabha,
9 Imper rakwa mangadwa landhepani kanthaka ri sakalaning acettana,
10 Kalaniyan masarira pantara nika rwa papupulaning atma saptika,
11 Nawas yan haluy ing Bhathara sira mahawani ri Siwa margga kottama. o .
- 12 281. Ambek lwir gagana-wa tanpa-taletch jaladha sabelaring madhubrata,
13 Tan linggar maka jatyang ambek apageh wruh amati ripu lot aneng hati,
14 Lila marddhawa satya ring brata sahisnu duga-duga parintusa lega,
40b 15 Kelan ri wuwus awri tan dadi wikara kadi watu katampekan banyu.
- 16 282. Yawat mangkana den-ta yatna mangiring ulah apageha tar mawor geleh,
17 Tawat mangkana tang kamoksen apageh niyata nika katemwa tan wurung,
18 Limpad ring suka dukka murtti nikang astha-guna niyata yan semangkana,
19 Byapi byepaka ring tri-loka karananiya kawuwusani cedyaning matha. o .

Iti MALAWI KASTURI, samapta. Puput kasurat ring Geria Pidada, Sidemen, Karangasem. Duk ring tanggal 11 Desember 1973. Warsaning Loka.

Kakawin puniki akweh sane tan manut pacang kalih guru lagunipun. Inanipun mawit sapaniki.-